

52541

643

傅青主徵君女科

前中医藥學會高第

編輯：11-2/0 $\frac{3}{4}$



產後編上卷目錄

產後總論

產前後方證宜忌

正產

傷產

調產

橫產
斷臍

盤腸產
新產治法

難產

死產
後用藥十誤

下胞

產後寒熱

胎前患傷寒疫證瘧疾墮胎等證

血塊

血暈

厥證

血崩



南京中醫藥大學圖書館藏

氣短似喘

妄言妄見

傷食

忿怒

類瘧

類傷寒二陽證

類傷寒三陰證

類中風

類瘧



出汗

盜汗

口渴兼小便不利

遺尿



產後編下卷目錄

誤破尿胞

患淋

便數

瀉

完穀不化

痢

霍亂

嘔逆不食



咳嗽

水腫

流注

膨脹

怔忡驚悸

骨蒸

心痛

腹痛

小腹痛



虛勞

遍身疼痛

腰痛

脇痛

陰痛

惡露

乳瘋

風甚

不語



補編

大便不通

雞爪風

浮腫



產後編上

陽曲傅青主徵君手著

產後總論

凡病起於氣血之衰。脾胃之虛。而產後尤甚。是以丹溪先生論產後。必大補氣血為先。雖有他證。以末治之。斯言盡治產之大旨。若能擴充立方。則治產可無過矣。夫產後憂驚勞倦。氣血暴虛。諸證乘虛易入。如有氣母專耗散。有食母專消導。熱不可用芩連。寒不可用桂附。寒則血塊停滯。熱則新血崩流。至若中虛外感。見三陽表



產後綱上

證之多。似可汗也。在產後而用麻黃。則重竭其陽。見三陰裏證之多。似可下也。在產後而用承氣。則重亡陰血。耳聾脇痛。乃腎虛惡露之停。休用柴胡。謔語出汗。乃元弱似邪之證。非同胃實。厥由陽氣之衰。無分寒熱。非大補不能回陽而起弱。瘕因陰血之虧。不論剛柔。非滋榮不能舒筋而活絡。乍寒乍熱。發作無期。證似瘧也。若以瘧治。遷延難愈。言論無倫。神不守舍。病似邪也。若以邪治。危亡可待。去血過多。而大便燥結。肉從蓉加於生化。非潤腸承氣之能通。去汗過多。而小便短澀。六君子倍

加參者必生津助液之可利。加參生化湯頻服救產後之危。長生活命丹屢用。甦絕穀之人。癰疽脫肛。多是氣虛下陷。補中益氣之方。口噤拳攣。乃因血燥類風。加參生化之劑。產戶入風而痛甚。服宜羌活養榮湯。玉門傷涼而不閉。洗宜蠡兒黃硫散。怔忡驚悸。生化湯加以定志。似邪恍惚。安神丸助以歸脾。因氣而悶滿虛煩。生化湯加木香為佐。因食而噯酸惡食。六君子加神麴麥芽為良。蘇木莪朮大能破血。青皮枳殼最消滿脹。一應耗氣破血之劑。汗吐宣下之法。止可施諸壯實。豈宜用於

胎產大抵新產後先問惡露如何。塊痛未除。不可遽加
參朮。腹中痛止。補中益氣無疑。至若亡陽脫汗。氣虛喘
促。頻服加參生化湯。是從權也。又如亡陰火熱。血崩厥
暈。速煎生化原方。是救急也。王太僕云。治下補下。治以
急緩。緩則道路達而力微。急則氣味厚而力重。故治產
當遵丹溪而固本。服法宜效太僕以頻加。凡付生死之
重寄。須著意於極危。欲求俯仰之無虧。用存心於愛物。
此雖未盡產證之詳。然所聞一證。皆接近鄉治驗為據。
亦未必無小補云。

正產

正產者有腹或痛或止。腰脇酸痛。或勢急而胞未破。名弄胎。服八珍湯加香附自安。有胞破數日而痛尚緩。亦服上藥俟之。

傷產

傷產者胎未足月。有所傷動。或腹痛臍痛。或服催生藥太早。或產母努力太過。偻兒錯路。不能正產。故臨月必舉動從容。不可多睡飽食飲酒。但覺腹中動轉。即正身仰卧。待兒轉順。與其臨時費力。不如先時慎重。

調產

調產者。產母臨月。擇穩婆。辦器用。備參藥。產時不可多人喧鬧。二人扶身。或凭物站。心煩用滾水調白蜜一匙。獨活湯更妙。或飢服糜粥少許。勿令飢渴。有生息未順者。只說有雙胎。或胎衣不下。勿令產母驚恐。

催生

催生者。因坐草太早。困倦難產。用八珍湯稍佐以香附乳香。以助血氣。胞衣早破。漿血已乾。亦用八珍湯。

凍產

凍產者。天寒血氣凝滯。不能速生。故衣裳宜厚。產室宜
煖。背心下體尤要。

熱產

熱產者。暑月宜溫涼得宜。若產室人衆。熱氣蒸偏。致頭
痛面赤昏暈等證。宜飲清水少許以解之。然風雨陰涼
亦當避之。

橫產

橫產者。兒居母腹。頭上足下。產時則頭向下。產母若用
力偏之。胎轉至半而橫。當令產母安然仰卧。令其自順。



穩婆以中指挾其肩。勿使臍帶羈絆。用催生藥努力即生。

當歸

紫蘇

各三錢長流水煎服即下。

一方用好京墨磨服之即下。

一方用敗筆頭一箇火煨以藕節自然汁調服之即下。

一方用益母草六兩濃煎加童便一大杯調服即下。

盤腸產

盤腸產者產則子腸先出。然後生子。其腸或未即收。以



葶麻子四十九粒。研碎塗頭上。腸收急急洗去。遲則有害。又方止用四十粒。去皮研為膏。塗頂中。收即拭之。如腸燥。以磨刀水潤之。再用磁石煎湯服之。須陰陽家用。過有驗者。

難產

難產者。交骨不開。不能生產也。服加味芎歸湯良久。即下。

小川芎一兩。當歸一兩。敗龜版一箇。酒炙。婦人髮灰一握。須用生過男女者為末。水一鍾。煎七分服。